

MBSE HMASAWNNA HNATHAWH (ACHIEVEMENTS) REPORT

1. Mizoram Board of School Education, Aizawl ah hian hnathawk Officer 23 leh staff 57 an awm.
2. MBSE building thar (extension) sak mek bakah building awmsa chei that (renovation / retrofitting) hna chaktaka thawh mek niin, March 2023- ah chuan zawh hman tum a ni.
3. Southern Districts heng – Lunglei, Lawngtlai, Siaha leh Hnahthial a awm te tan Aizawl kal kher ngai lovin, an duh leh mamawhte samkhai zawka an tih theih nan Lungleiah MBSE Regional Office dah a ni a. Officer 1 leh staff 5 dah a ni.
4. Sawrkar thatna leh duhsakna azarah MBSE chuan exam conduct leh result process na atana a mamawh em em OMR Machine leina atan ` 33,00,000/- chu min pe a. MBSE tan a lawmawmin exam process kawngah a tangkai takzet a ni.
5. MBSE hian confidential pawimawh tam tak a kawl avangin Mizoram Sawrkar ah Home Guard deploy tura ngen a ni a, chumi ang chuan sawrkar in Home Guard a rawn dah ta a, an chenna tur room siam nan ` 15,06,000/- chu sawrkar in min pe bawk a. Tunah chuan security guard te venna hnuaiah hahdam tak leh him takin MBSE confidential hna te chu thawh a ni ta.
6. MBSE (Pension) (Amendment) Regulations, 2016 chu sawrkar duhsakna a zar ah August, ni 2, 2019 khan pawmfel niin Gazette Notification a lo chhuak ta a. Kan sawrkarin duhsak taka he dan min lo siamthat sak leh tak avang hian pension tawh te chauh ni lovin la thawk lai ngei te tan pawh a lawmawm tak zet a, thlatin kan hlawnh tanga pension contribution atana cheng tam tak kal tur kan hum theih tak bakah pension tawh te pawhin tluang takin an thlatin pension an hmu zawm zel thei te hi sawrkar zar liau liau a ni a, MBSE tan mel lung pawimawh leh hmasawna lian tham a ni.
7. COVID – 19 hrileng karah Central leh State Board tam berin exam an conduct theih loh karah HSSLC, HSLC leh Vocational Examination (Class X & XII), 2021 te April 2021 thla chung khan conduct a ni. COVID-19 avanga HSLC & HSSLC exam chhunzawm thei lote tan special examination buatsaih niin Compartmental Examination rualin ni 09.08.21-13.08.21 chungin conduct a ni a, candidate COVID-19 hri vei inkhunhrangte online-a exam-tir an ni bawk.

8. HSLC result hi ni 03.06.2021-ah tihchhuah a ni a, HSSLC result hi ni 18.06.2021-ah tihchhuah a ni thung a, Special Examination leh Compartmental Examination result hi 27.07.2021 khan chhuah fel a ni bawk. Heng examination marksheet leh certificate te pawh hi pek chhuah tawh an ni.
9. D.El.Ed Examination hi February leh August thla khan conduct a ni a, hrileng avanga naupangten kum an hloh loh nan August thlaa exam-ah khan blended mode (online leh offline duhzawk thlan theih)- in buatsaih a ni a, tunah hian blended mode bawkin December thlaah exam leh turin kan inbuatsaih mek a ni.
10. Pawl IX & XI Registration, 2020 - 2021 hi peihfel tawh niin, school-ah sem chhuah a ni tawh a, 2021-2022 hi buaipui mek niin, sem chhuah thuai tum a ni.
11. HSLC & HSSLC result te hi 2008 atanga computerized a ni . Hemi hmalam a tabulation la computerized loh te hi computerized hna thawh mek a ni a, HRD Board, Govt of Mizoram te nen thawkhoin HSLC zawhfel niin HSSLC pawh computerized hna thawh mek a ni.
12. Digilocker Scheme, Govt of India chu zawm ve a ni a. He scheme kaltlang hian HSSLC & HSLC pass chhuakte documents vawn that sak an ni.
13. Pawl IX & Pawl X tan Integrated Evaluation Scheme (IES) hi kum 2015-ah duanfel a ni a. He Scheme thar hi school tinin thiam taka an hman theih nan district tinah inhrilhhriatna (sensitization programme) pawh buatsaih vek a ni a. Kum 2017 HSLC exam atangin hman tan a ni.
14. Pawl XI leh Pawl XII tan Integrated Evaluation Scheme (IES) hi kum 2016-ah duanfel a ni a, He Scheme thar hi school tinin thiam taka an hman theih nan district tinah inhrilhhriatna (sensitization programme) pawh buatsaih vek a ni a. Kum 2018 HSSLC exam atangin hman tan a ni.
15. Pâwl X leh Pâwl XII zirlai naupangte internal mark pêk dan IES Software hi kum 2019 atang khan HSLC leh HSSLC exam-ah hman tan a ni.
16. Ni 14.11.2018 atanga 14.01.2019 khan Pawl X leh Pawl XII Scheme of Examinations & Question Design chu subject expert te sawmin ennawn a ni a. A hma a Weightage to Objectives of Learning atana kan hman thin Knowledge : Understanding : Application 30:50:20 chu 30:30:40 in tihdanglam a ni a, Higher Order Thinking Skill (HOTS) leh Evaluation te telh thar a ni. He Scheme thar hi kum 2020 HSLC leh HSSLC exam atanga hman tan a ni.

17. Ni 13.08.2019 atanga 25.10.2019 chhûng khan High School leh Higher Secondary School-a thawk zirtirtute hnenah Scheme of Examination & Question Designs thar behchhanin zawhna chi hrang hrang siam dan training pèk an ni a. Training hi District headquarters zawng zawngah buatsaih chhuah vek a ni.
18. India rama Publisher lian leh lar – MBD Group leh MacMillan Education India ten state hrang hrang tlawh a training an pèktir thin mi thiam an rawihte chahchhuakin ni 11.02.2020 leh 28.02.2020 ah te khan thlanbikte tan **Training on Pedagogical Skills** buatsaih a ni a. He programme hi tih kal zel kan tum laiin hripui lengin min tibuai ta rih a ni.
19. Kum 2020 ah hripui leng avanga school te a kal mumal theihloh avangin zirlai exam hmachhawn turte harsatna sutkian a nih theih nan Secondary School leh Higher Secondary School tan Sample Question Papers siamsak a ni.
20. National Council of Educational Research & Training (NCERT) in Secondary leh Higher Secondary stage tana Draft Learning Outcomes an duan comment tura min tih chu Subject hrang hranga Expert te nen Workshop neiin kan en ho va. Comment kan siamte hi NCERT, New Delhi-ah ni 12.03.2021 khan thawn a ni.
21. Vocational subjects atana Scheme of Examinations & Question Designs (for Classes IX, X, XI, XII) chu siam a ni.
22. Covid19 hripui leng avangin Secondary leh Higher Secondary School tan Week-Wise Plan (Week 1-21) siam a ni.
23. Week-Wise Plan (Week 1-21) kan siamte hi school lamin tha takin an kalpui ngei em tih kan hriat theih nan Action Taken Report Form kan siam a. He ATR Form hi anmahni DEO theuh kaltlanga MBSE-ah rawn thehltut leh turin hriattir a ni.
24. Director, School Education, Govt. of Mizoram in ni 07.07.202 a atih chhuah Guideline for Education during prevalence of COVID-19 in ti tura min tih angin Monthly Monitoring Format siam a ni.
25. Ni 11.08.2021 a Minister of State, i/c School Education Department Room-a thukhawmin an rel angin Secondary leh Higher Secondary stage tan Academic Work Plan duan a ni a, Zirtur pawimawh lai bik (core concept) paih tel lovin an zirlai (existing course) hi 30 % paih then a ni
26. Kum 2020 a kan tih tawh angin HSLC leh HSSLC Examination 2022 atan Weightage to Difficulty Level of Questions pawh Easy:Average:Difficult chu

30:50:20 atangin 40:40:20 ah kan tidanglam leh. Hei hi COVID-19 hripui leng avanga hma kan lâkna a ni.

27. Pâwl IX leh X(subject zawng zawng), Pâwl XI leh XII (Mizo subject chauh) ten textbook an hman mêkah rawtna thlen duh tan hun hawn sak mek a ni.
28. Ni 05.11.2021 khan Mizo Tawng Ruaipei (Khawvel huap biakhmuhteih inpawlkhawmna) buatsaih a ni a. Thupui thlan sa pali hmangin mi thiam thlanchhuah ten hun an hman bakah Melbourne, Australia leh Indiana State, USA atanga Lam hlakhualten an awmna hmun atangin he hun hi an hmang bawk.
29. MBSE in affiliation a pêk tawh zât — DIET = 8, High School = 450 (Regular = 399, Provisional = 51), Higher Secondary School=101 (Regular = 78 Provisional = 23).
30. MTET hi kum 2013 atang khan neih tan a ni a, kum 2013 leh 2014 ah te khan tum hnih ve ve exam buatsaih a ni a, kum 2018 ah kha chuan exam buatsaih a ni lo. Kumin 2021 hi exam vawi 10 kan buatsaihna a ni.
31. Mizo tawng ziah leh tawng a hma kan sawn theih nan Mizo Language Committee leh a hnuaiah Sub-Committee pêng hrang hrang din ani a, tum 61 zet thutkhâwm a ni.

(C. LALZARZOVI)
Under Secretary
Mizoram Board of School Education